

**447** Parzival, der werde degen,  
 het des lîbes sô gepflegen,  
 daz sîn zimierde rîche  
 stuont gar rîterlîche.  
 5 in sôlhem harnasch er reit,  
 dem ungelîch was jeniu kleit,  
 diu gein im truoc der grâwe man.  
 daz ors ûzem pfade sân  
 kêrter mit dem zoume.  
 10 dô nam sîn vrâgen goume  
 umbe der guoten liute vart.  
 mit sûezer rede ers innen wart.  
 dô was des grâwen rîters klage,  
 daz im die heileclîchen tage  
 15 niht hîlfen gein alsôlhem site,  
 daz er sunder wâpen rite  
 ode daz er barvuoꝝ gienge  
 unt des tages zît begienge.  
 Parzival sprach zim dô:  
 20 »hêrre, ich erkenne sus noch sô,  
 wie des jâres urhap gestêt  
 ode wie der wochen zal gêt.  
 swie die tage sint genant,  
 daz ist mir allez unbekant.  
 25 ich diende einem, der heizet got,  
 ê daz sô lasterlîchen spot  
 sîn gunst über mich erhancte.  
 mîn sin im nie gewancte,  
 von dem mir helfe was gesagt.  
 30 nû ist sîn helfe an mir verzagt.«

hete sînes l. \*T (ohne V)

dem u. wâren j. (ein U solhe V) kl., \*T (O L Z)

g. solhem (solichen U) s., \*G (ohne Z) (\*T)

zît enpfiege. \*G (nur GZ)  
 zim sprach \*T

wie des j. zît g. \*G (nur GI)

m. verhancte. \*G (ohne Z) \*T

\*D: D Fr5 \*m: m \*G: G I O L Z \*T: T U V

1 Initiale D Fr5 m G I O L Z T U 8 Majuskel T 13 Initiale I · Majuskel T

6 was] warin Fr5 7 diu] di D 11 liute] livtin Fr5 13 rîters] hêrren \*m 14 heileclîchen] heiligin Fr5 (I) 15 hîlfen] hvlfen D (Fr5) · alsôlhem] solchim Fr5 18 begienge] inpfiege Fr5 20  
 ich erkenne] inirkenne Fr5 21 urhap] zit Fr5 · gestêt] stât \*m 22 ode] Alde Fr5 · wochen] wochun Fr5 27 erhancte] virhancte (verhante m) Fr5 (\*m) 28 im] ime ê ([\*]: im e V) \*m (V)